



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

I. Secunda Collectio post Concilium Constantinopolitanum. Antea Diœceses canonibus à se editis regebantur; ut patet ex Ancyra Synodo, Neocæsariensi, Antiochena, & Laodicena. Hujus tempus inquiritur.

urn:nbn:de:hbz:466:1-15591

& Imperij Lib. III. Cap. III. 133

Antiocheni nec in Occidente, nec in Tracica Diœcesis. Chrysostomus & Innocentius rejiciunt eos canones. Cur ab Arrianis compositos dicant, cum Orthodoxi Episcopi numero vincerent.

III. An canones Antiocheni recepti ab Ecclesia, sint iidem cum iis quos rejiciunt Innocentius & Chrysostomus. Tres conjectura virorum eruditiorum refutata. Aperiatur nova conciliationis ratio.

IV. Collectio secunda Canonum, quando & à quo instituta. Confirmata à Concilio Chalcedonensi, & aucta canonibus ejus Concily. Confirmata etiam à Justiniano.

V. Queritur an canones Chalcedonenses recepti fuerint ab Ecclesia Romana. Opinio Bellarmini expensa. Docetur receptos fuisse, è Fausto, Gelasio, & Leone ipso. Solus xxvii. canon repudiatus ex consensu Anatoli. Ratio concordie tunc initia explicata. Error Hincmar. Canones Synodi Constantinopolitane non admissi, etiam post Dionysij publicationem, ut Constantinopolitanis retinerentur in officio.

VI. Canones Greci post Synodum Chalcedonensem Latinè redditi: Non una, sed pluribus interpretationibus. Ea collectione usus est Gelasius; qui uituit canonibus Chalced. quemadmodum & Gregorius. Symmachus laudat canones Gangrenenses, ex ea collectione.

VII. Nova interpretatio canonum à Dionysio Exiguo edita. Quae canones Gracos, & præterea Saracenses, atque Africanos, complexa est. Et Romanorum Pontificum decreta. Ejus usus probatus à sede apostolica, è Cassiodore, & Ioanne I.

VIII. De collectione Canonum à Theodoreto digesta in quinquaginta titulos. Genuina esse ostenditur, solitus difficultatibus qua objici solent.

I. SECUNDA Collectio prodiit post Concilium Constantinopolitanum. Antea non communi quodam jure tenebantur Orientales Ecclesiae, si canones apostolicos & Nicenos excipias, sed sua sibi decreta duæ trælve Diœceses conjunctis suffragiis constituerant, quibus in disceptandis negotiis suis uterentur. Etenim in provinciis Diœceles Asiana, Pontica, & Orientalis, varijs canones editi fuerant à Concilio Ancyrano, Neocæsariensi, Gangreni, Antiocheno, & Laodiceno, qui obtinebant apud eos Episcopos quorum suffragiis erant decreti, quemadmodum Constantinopolitanis auctoritate omnes deinde Orientales Ecclesiae adstrictæ sunt. Etenim in Ancyra Synodo coacta anno cccc xv. ante ipsam synodum Nicenam, statim post libertatem Ecclesiae redditam, in civitate Ancyra, quæ erat metropolis Galatæ, decem & octo Episcopi è Diœcessibus Orientis, Asiana, & Pontica, xxv. canones ediderunt; quorum vis per tres illas Diœceses extendi poterat, non autem per Diœcensem Ægyptiacam, aut Thracicam, multò minus per Diœceses Occidentis. Idem dicendum est de synodo Neocæsareæ habita, quæ est metropolis Ponti Po-

lemoniaci; quod se contulerunt iidem illi decem & octo Episcopi, post solutam Ancyranam Synodum. Gangris, quæ est metropolis Paphlagoniæ, habitum est Concilium anno cccc xv. à sedecim Episcopis Pontica Diœceseos. Concilium verò Antiochenum habitum anno ccccxi. iis provinciis constituit quæ ad Diœcensem Orientis seu Antiocheni Patriarchatus pertinebant, Syria nempe, Phœnicia, Palæstina, Arabia, Mesopotamia, Cilicia, & Isauria,

Epist. Synod. Conc.
Antioch.
Inscriptio Syn.
Laodicea, in dñi propria manu conservata
Asia.

ut patet ex epistola synodica. Supereft synodus coacta Laodicea, quæ est Phrygia metropolis; quod è variis Diœceseos Asiae provinciis Episcopi convenerunt, ut reflectatur in scriptio synodi. De tempore hujus Concilij queritur. Illustrissimus Annalium conditor ante Concilij Nicenam tempora coactum suspicatur. Sed canone septimo damnantur Photiniani heretici, qui aliquot annis post Synodum Nicenam emerserunt. Deinde in antiqua collectione locum suum post Antiochenam obtinet synodus Laodicensa: cuius tempora in annum ccclxvi. conjici posse puto. Illo etenim anno synodus habebatur ab Episcopis Asiana Diœceseos, ad quos literas suas & synodicam Illyriciani Concilij Valentianus Imperator transmisit, cum hac epigrapha apud Theodoretum: *Episcopis Diœcesis Asiana, Phrygia, Carophrygia Pacatiane.* Porro synodus Laodicensa, ut dixi, è diversis provinciis Asiana Diœcesis habita est Laodicea, quæ est metropolis Phrygia Pacatiane.

II. Canonibus Concilij Constantinopolitanis omnes quidem Ecclesiae Orientales adstringi poterant; quia ex omnium Episcoporum consensu qui Diœceses Ægypti, Orientis, Asiae, Ponti, & Thraciae regabant, Constantinopoli decreti sunt anno trecentesimo octuagesimo primo. Sed Occidentis Ecclesiae iis teneri non poterant, quibus omnino erant incogniti anno cccclii. ut testatur Leo primus. Itaque Innocentius I. recte juxta sensum Ecclesiae Occidentalis scriperat anno cdv. Ecclesiam nullis canonibus regi præterquam Nicenam, ut monui §. i. capituli superioris. Adeoque mirum non est si canonem Antiochenum, quo nitebantur Orientales adversus Ioannem Chrysostomum, constanter exploserit. Nondum enim, ut dixi, nec synodus Antiochenæ nec ceteræ receptæ fuerant ab Occidentis Ecclesiis, nec etiam ab Ecclesia Constantinopolitanæ; quæ cum Diœcesi Thracicæ accenserentur, Ancyra synodi, Neocæsariensis, Gangrenensis, Antiochenæ, vel Laodicena canonibus, ab aliis Diœcessibus editis, non tenebatur,

R iii